

**Barat linguistic en Grischun**

*En l'ura da dumondas ha deputà Diego Deplazes tematisà la bassa quota da barats da classas tar nus.*

2

**Chanzuns d'uffants vaira brutalas**

*Il redactur da la Pagina da Surmeir Peder Antona Baltermia s'occupa oz da las chanzuns d'uffants.*

8

# LA QUOTIDIANA

Redacziun: Via Sommerrau 32, 7007 Cuira, tel. 081 255 57 10, redacziun@laquotidiana.ch

## Dretgira refusa recurs da Prime Elements

■ (rtr) La vischnanca da Tujetsch ha agi correct da betg prolungar la lubentscha da bajegiar a la societat Prime Elements da Cham. Quai ha la Dretgira administrativa decis e refusà il recurs da l'interresa en il chantun Zug. La societat Prime Elements aveva cumprà il 2012 l'antier hotel Alpus a Sedrun e stgarpa giu quel. Suenter che las lavurs da construziun avevan cumençà il 2016 eran quellas vegnidas sistidas pervi da mancanza da daners. Suenter che la vischnanca aveva pliras giadas prolungà la lubentscha da bajegiar n'aveva ella la primavaira passada betg pli fatg quai. La dretgira argumentescha sia decisiun da refusar il recurs da Prime Elements cun quai che l'interresa haja ussa già passa tschingt onns temp per bajegiar il project planisà a Tujetsch. Plina-

vant stettia er l'interess public en il center. L'interess public haja precedenza avant l'interess economic da la Prime Elements dad anc ina giada prolungar ina lubentscha da bajegiar che na vegnia tut tenor pusplè betg duvrada e saja cun quai disptaivla. La Prime Elements ha plinavant argumentà che la vischnanca haja dà ad els memia baud la lubentscha da bajegiar. Da quest temp na saja la planisaziun anc betg stada substanciala avunda. La dretgira ha dentant decidì che quai saja stà en l'interess da la Prime Elements. Els avevan numnadama invergn la lubentscha il december 2012. Pia curt avant che l'iniziativa cunter abitaziuns secundaras è vegnida realisada. Quai saja stà en l'interess da la Prime Elements perquai ch'in tal project na fiss suenter l'iniziativa betg pli stà realisabel.



Sajettà precis: Chris Wolf, Annina Tomaschett ed Enrica Caluori (da san.).

FOTO G. N. STGIER

## Campiunessa grischuna

■ (anr/gns) A Cuira han gî lieu ils Campiunadis grischuns da tir sin la distanza da 10 meters. Stads en quei intergads en l'exposiziun Passiun ed uschia ha er in grond public persequità la concurrenzia da tir. En la categoria dals juniors è Annina Tomaschett da Trun vegnida campiunessa grischuna cun il schluppet pneumatic. Per la

commembra dal cader naziunal da juniors è quai in grond success en sia carriera giuvna. Vicecampiun è vegnì Chris Wolf da Trun. Tar ils giuvenils è Anja Cadalbert da Sevgein vegnida campiunessa grischuna. Ina medaglia ha er fatg Enrica Caluori.

➤ PAGINA 6

## Nagin whatsapp en scola

■ (anr/ac) La scola da Glion è suandada la recumondaziun da l'uniun tetgala da las personas d'instruziun svizras da bandischar il servetsch da novitads curtas da la comunicaziun tranter scolars, geniturs e personas d'instruziun. La scola da Glion n'è betg la suelta scola a la tschertga dad alternativa al servetsch gratuit apprezzia da

scolaras e scolars dal stgalim superiur. L'uniun da scolastas e scolasts fa valair ina manglusa protezion da datas dals singuls utilisaders da whatsapp e la probabladat che facebook plazeschia proximamain reclama individuala sin la plattaforma da novitads curtas.

➤ PAGINA 3



Servetsch d'abunents e da distribuziun: tel. 0844 226 226  
mail: abo@somedia.ch

## In avantatg per famiglias

A Sagogn porscha la parcella dil Fri schanzas

DAD AUGUSTIN BEELI / ANR

■ «Tgei schabegia culla gronda parcella dil Fri?» sedamondan ins a Sagogn. L'antiera surfatscha da speculaziun e carschen anorganica savess daventar in quatier niev. Ella preferia han las suprastonzas communalas actualmein in pensum da casa pilotos malengrazievel. Ellas ston definir midadas da zona. Sagogn s'auda tier las numerosas vischernaunas nua ch'ins sto far quei. La gronda parcella «il Fri» amiez il vitg influenzescha il decaus della planisaziun. Il grond prau da 14'784 m<sup>2</sup> s'udeva alla famiglia Schmidt-Candrian ch'ha s'udi denter ils piuniers dalla hotellaria a Flem. Oz ei quei spazi da bunamein 1,5 hektaras definitius sco zona centrala cun cundizions specialas. Facticamein ei il Fri terren da baghegiar. Per la vischernauna ei la parcella ina cargo, pergei ei blochescha la planisaziun actuala. Il problem ei la zona centrala. Per Sandro Hofmann ei il possess a Sagogn tuttavia buc ina cargo. «Jeu vesess ch'ei dat ina parcellaziun per casas d'ina famiglia»,

presuppona el. La societat proprietaria sa dil reminent nezegiar quei sulom per nuot auter che per quei intent. La suprastonza communal da Sagogn ei en contact

cun Hofmann. Finamira fuss ei da concepir il quatier niev cun casas per indigens. La discussiun surlunder ha aunc buc entschiet ufficialmein. Finamira ei ina carschen

organica e buca pli sco antruras in disuorden anorganic cun surbaghiadas vitas e barcuns serrai.

➤ PAGINA 3

## Üsanzas han pers lur funcziun

Procurar cha las üsanzas politicas vegnan mantgnudas

DAD ANNATINA FILLI / ANR

■ Culla fusiun dals cumüns da Guarda, Ardez, Ftan, Tarasp, Scoul e Sent eira gnii giavüschä da procurar cha las üsanzas nu giajan a perder pervi da la fusiun. Tschartas üsanzas politicas han pers lur funcziun, ma la majorità da las üsanzas s'haja pudü mantgnair. A Ftan s'ingascha una

gruppa d'iniziants pel mantegniament da lur tradiziuns. L'idea dals iniziants es d'organisar sairadas d'infomaziun e da sensibilizar a las abitanças e'l abitanças per lur intent. Las üsanzas importantes a Ftan sun il Schüschaiver e'l Chalandamarz. Intant ch'el Schüschaiver ha, pervi da la fusiun, pers ün pa da sia funcziun politica vain miss in dumonda il Chalandamarz. «Blera glieud ha l'impreschiun cha nos Chalandamarz cun sias mascras e las vaschias da püerch saja ün'usanza brutalà», manzuna Silvia Vonlanthen-Lehner, tina da las iniziantas da Ftan. Ella es persuasa chi fetscha dabsögn d'infomar a la glieud davart il sen e l'istorgia da las singulas üsanzas.

➤ PAGINA 7



La cumpagnia da Chalandamarz culs traïs mats ils plü vegls e la «bulavitra».

MAD